

慧日佛學班第 09 期／福嚴推廣教育班第 20 期

《大智度論》卷 56

〈釋顧視¹品第三十〉²
 (大正 25, 457a2-460a26)

釋厚觀 (2010.09.18)

【經】

壹、般若畢竟空而有三乘，有三乘而不著心 (印順法師，《大智度論筆記》〔E010〕p.304)

(壹) 諸天稱歎**一、諸天歎須菩提承佛恩說般若**

爾時，諸天王及諸天、諸梵王及諸梵天、伊賒那³天及神仙并諸天女同時三反⁴稱歎：
 「快⁵哉！快哉！慧命須菩提所說法，皆是佛出世間因緣恩力，演布⁶是教。

二、歎行般若人⁷**(一) 行般若而不遠離者，諸天視之如佛**

若有菩薩摩訶薩行是般若波羅蜜不遠離者，我輩視是人如佛。

(二) 般若雖畢竟空而有三乘之教

何以故？是般若波羅蜜中，雖無法可得，所謂色、受、想、行、識乃至一切種智，而有三乘之教——聲⁸聞⁹、辟支佛¹⁰、佛乘。¹¹」

(貳) 佛述成諸天所歎，更說因緣，並舉本生事為證**一、佛述成諸天所歎**

爾時，佛告諸天子：「如是！如是！諸天子！如汝所言：是般若波羅蜜中，雖無法可得，而有三乘之教，所謂聲聞、辟支佛、佛乘。

¹ 顧視：1.轉視，回視。2.探視。(《漢語大詞典》(十二)，p.363)

² 顧視品第三十=第三十品三歎品【宮】，顧視品=三歎品【宋】【元】【明】。(大正 25, 457d, n.2)

³ 《大智度論》卷 56〈30 顧視品〉：「伊賒那，是大自然天王并其眷屬。」(大正 25, 457b17-18)

⁴ 反：6.重複。宋陸游《贈蘇趙叟兄弟》詩：「攜文數過我，每讀必三反。」(《漢語大詞典》(二)，p.855)

⁵ 快：1.高興，愉快。2.舒適，暢快。(《漢語大詞典》(七)，p.435)

⁶ (1) 布=出【石】。(大正 25, 457d, n.4)

(2) 演：5.推演，闡發。(《漢語大詞典》(六)，p.104)

布：15.傳播，擴散。(《漢語大詞典》(三)，p.674)

⁷ 《大品經義疏》卷 6：「『若菩提』*下，第二，歎行般若人為二：初作如佛歎；『何以故』下，舉般若釋歎，由般若能出生三乘方便，此人既行般若，故與佛無異也。」(已新續藏 24, 265b12-14) 案：「菩提」應作「菩薩」。

⁸ (所謂)+聲【元】【明】【聖】【石】。(大正 25, 457d, n.5)

⁹ 聞+(乘)【聖】【石】*。(大正 25, 457d, n.6)

¹⁰ 佛+(乘)【聖】【石】*。(大正 25, 457d, n.7)

¹¹ 般若：無法可得而有三乘。(印順法師，《大智度論筆記》〔E002〕p.288)

諸天子！若有¹²菩薩摩訶薩行是般若波羅蜜不遠離者，視是人當如佛，以無所得故。何以故？是般若波羅蜜中，廣說三乘之教，所謂聲聞¹³、辟支佛¹⁴、佛乘。

二、諸法中佛不可得，離諸法佛亦不可得；能如是學之菩薩，當視之如佛

檀波羅蜜中佛不可得，離檀波羅蜜佛亦不可得；乃至般若波羅蜜中佛不可得，離般若波羅蜜佛亦不可得。內空乃至無法有法空、四念處乃至十八不共法、一切種智亦是。」¹⁵

佛語諸天子：「菩薩摩訶薩若能學¹⁶是一切法¹⁷，所謂¹⁸檀波羅蜜乃至一切種智，以是事故，當視是菩薩摩訶薩如佛。

三、舉本生事為證¹⁹

諸天子！我昔於然燈佛時，華嚴城內，四衢²⁰道頭²¹，見佛聞法，即得不離檀波羅蜜行，不離尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜行；不離內（457b）空乃至無法有法空，四念處乃至八聖道分；不離四禪、四無量心、四無色定、一切三²²昧門、一切陀²³憐²⁴尼門；不離四無所畏、佛十力、四無礙智、十八不共法、大慈大悲及餘無量諸佛法行，亦無所得故²⁵。

是時，然燈佛記我當來世過一阿僧祇劫當作佛，號釋迦牟尼多陀阿伽度²⁶、阿羅訶²⁷、

¹² [有] — 【宮】。(大正 25, 457d, n.8)

¹³ 聞 + (乘) 【石】。(大正 25, 457d, n.9)

¹⁴ 佛 + (乘) 【石】。(大正 25, 457d, n.10)

¹⁵ 《大般若波羅蜜多經》卷 427〈28 授記品〉：「何以故？諸天等！於此般若波羅蜜多甚深經中，雖廣說有三乘聖教而說，非即布施波羅蜜多如來可得，非離布施波羅蜜多如來可得，乃至非即般若波羅蜜多如來可得，非離般若波羅蜜多如來可得；非即內空如來可得，非離內空如來可得，乃至非即無性自性空如來可得，非離無性自性空如來可得；非即四念住如來可得，非離四念住如來可得，廣說乃至非即十八佛不共法如來可得，非離十八佛不共法如來可得；如是乃至非即一切智如來可得，非離一切智如來可得，非即道相智、一切相智如來可得，非離道相智、一切相智如來可得。」(大正 7, 145c22-146a6)

¹⁶ [學] — 【聖】。(大正 25, 457d, n.11)

¹⁷ (諸) + 法 【元】 【明】 【石】。(大正 25, 457d, n.12)

¹⁸ 謂 = 諸 【聖】。(大正 25, 457d, n.13)

¹⁹ 本生：七華供養燃燈。(印順法師，《大智度論筆記》[H013] p.401)

²⁰ 衢 (< 口 /)：1. 大路，四通八達的道路。(《漢語大詞典》(三)，p.1110)

²¹ (1) 頭 = 中 【聖】 【石】。(大正 25, 457d, n.14)

(2) 道頭：路邊，路口。(《漢語大詞典》(十)，p.1085)

²² (三種) + 三 【聖】。(大正 25, 457d, n.15)

²³ 陀 = 他 【聖】。(大正 25, 457d, n.16)

²⁴ 憐 = 羅 【宋】 【元】 【明】 【宮】 【聖】 【石】。(大正 25, 457d, n.17)

²⁵ [故] — 【宋】 【元】 【明】 【宮】。(大正 25, 457d, n.18)

²⁶ 多陀阿伽度 (如來、如去)，梵語 tathāgata，巴利語同。

(1) 《大智度論》卷 2〈1 序品〉：「云何名多陀阿伽陀？如法相解；如法相說；如諸佛安隱道來，佛亦如是來，更不去後有中，是故名多陀阿伽陀。」(大正 25, 71b16-19)

(2) 另參見《大智度論》卷 21〈1 序品〉(大正 25, 219b3-12)。

²⁷ 《大智度論》卷 2〈1 序品〉：

云何名「阿羅訶」？

「阿羅」名「賊」，「訶」名「殺」——是名「殺賊」。……

三藐三佛陀²⁸、鞞修遮羅那²⁹、脩伽度³⁰、路迦憊³¹、無上士³²、調御丈夫³³、天人師、佛³⁴、世尊³⁵。」³⁶

復次，「阿」名「不」，「羅呵」名「生」——是名「不生」。佛心種子，後世田中不生，無明糠脫故。

復次，「阿羅呵」名「應受供養」。佛諸結使除盡，得一切智慧故，應受一切天地眾生供養；以是故，佛名「阿羅呵」。(大正 25, 71b19-c1)

²⁸ 《大智度論》卷 2〈1 序品〉：

云何名「三藐三佛陀」？

「三藐」名「正」，「三」名「遍」，佛名「知」——是名正遍知一切法。(大正 25, 71c1-3)

²⁹ 鞞修遮羅那(明行足)，梵語 vidyā-carāṇa-saṃpanna，巴利語 vijjā-carāṇa-saṃpanna。

(1) 《大智度論》卷 2〈1 序品〉：

復名「鞞修遮羅那三般那」，秦言明行具足。

云何名「明行具足」？宿命、天眼、漏盡，名為三明。……

行名身口業，唯佛身、口業具足——餘皆有失——是名明行具足。(大正 25, 71c13-72a10)

(2) 另參見《大智度論》卷 21〈1 序品〉(大正 25, 219b18-23)。

³⁰ 脩伽度(善逝)：梵語 sugata，巴利語同。

(1) 《大智度論》卷 2〈1 序品〉：

復名「修伽陀」：「修」秦言「好」，「伽陀」或言「去」，或言「說」——是名「好去」、「好說」。

好去者，於種種諸深三摩提、無量諸大智慧中去，如偈說：「佛一切智為大車，八正道行入涅槃。」是名好去。

好說者，如諸法實相說，不著法愛說。觀弟子智慧力，是人正使一切方便神通智力化之，亦無如之何；是人可度是疾、是遲，是人應是處度；是人應說布施，或說戒，或說涅槃；是人應說五眾、十二因緣、四諦等諸法能入道。如是等種種知弟子智力而為說法，是名好說。(大正 25, 72a10-21)

(2) 《大智度論》卷 21〈1 序品〉：

若行是二行，得「善去」；如車有兩輪。「善去」者，如先佛所去處，佛亦如是去，故名「修伽陀」。(大正 25, 219b24-26)

³¹ 路迦憊(世間解)：梵語 lokavid，巴利語 lokavidū。

(1) 《大智度論》卷 2〈1 序品〉：

復名「路迦憊」：「路迦」秦言「世」，「憊」名「知」——是名知世間。(大正 25, 72a21-22)

(2) 《大智度論》卷 21〈1 序品〉：

若有言「佛自修其法，不知我等事」，以是故，知世間，知世間因，知世間盡，知世間盡道——故名為「路迦憊」。(大正 25, 219b26-28)

³² (1) [士] — 【宮】。(大正 25, 457d, n.19)

(2) 參見《大智度論》卷 2〈1 序品〉(大正 25, 72a29-b8)。

³³ (1) [丈夫] — 【宮】。(大正 25, 457d, n.20)

(2) 參見《大智度論》卷 2〈1 序品〉：

復名「富樓沙曇藐婆羅提」：「富樓沙」秦言「丈夫」，「曇藐」言「可化」，「婆羅提」言「調御師」——是名「可化丈夫調御師」。

佛以大慈大悲大智故，有時軟美語，有時苦切語，有時雜語，以此調御令不失道。(大正 25, 72b9-13)

³⁴ 《大智度論》卷 2〈1 序品〉：

復名「佛陀」(秦言「知者」)。知何等法？知過去、未來、現在，眾生數、非眾生數，有常、無常等一切諸法——菩提樹下了了覺知，故名為佛陀。(大正 25, 73a2-5)

³⁵ (1) [佛世尊] — 【宮】。(大正 25, 457d, n.21)

(2) 參見《大智度論》卷 2〈1 序品〉(大正 25, 70b15-c3)。

（參）諸天領解重讚：般若令菩薩得薩婆若，於諸法不取不捨

爾時諸天子白佛言：「世尊！希有！是般若波羅蜜，能令諸菩薩摩訶薩得薩婆若，於色不取不捨³⁷故，於受、想、行、識不取不捨故，乃至一切種智不取不捨故。」³⁸

【論】釋曰：

壹、般若畢竟空而有三乘，有三乘而不著心

（壹）諸天稱歎

一、諸天歎須菩提承佛恩說般若

（一）諸天歡喜，三反稱歎須菩提說般若

人以歡喜之至，則三反稱歎；是故諸天聞大德須菩提說般若波羅蜜，歡喜言：「快哉！快哉！」

（二）釋「諸天眾等」

「天王」者，四天處四天³⁹王，三十三天王釋提桓因，乃至諸梵天王；梵天已⁴⁰上更無有王。

「諸天」，是欲界天。

「諸梵」，是色界天。

「伊闍那」，是自在天王并其眷屬。

「神仙」者，有二種：或天，或人。⁴¹

「天女」者，是天帝釋夫人舍脂等諸天女。

（三）歎須菩提說般若，知其承佛力故

所以歎須菩提說深般若波羅蜜者，知其承佛神力故。

二、歎行般若人

（一）行般若而不遠離者，諸天視之如佛

若能行是般若波羅蜜，我等當視是人如佛。所以者何？尊重法故。

（二）般若雖畢竟空而有三乘之教，雖有三乘而不生著心

「法」者，所謂深般若波羅蜜。

「深法」者，一切法雖畢竟空，而有三乘分別。所以者何？

諸法若畢竟空，更不應修集三乘功德，則墮斷滅中；

若修三乘功德，則是分別差降⁴²，不應是畢竟空。

³⁶ 「佛」之異名，參見《大智度論》卷 2〈1 序品〉（大正 25，70b14-73b13）、卷 21〈1 序品〉（大正 25，219b2-c8）。

³⁷ 不取不捨。（印順法師，《大智度論筆記》〔E010〕p.303）

³⁸ 《大般若波羅蜜多經》卷 427〈28 授記品〉：

時，諸天等咸白佛言：「希有！世尊！希有！善逝！如是般若波羅蜜多甚為希有，令諸菩薩摩訶薩眾速能攝受一切智智，以無所得而為方便，於一切色無取無捨，於受、想、行、識無取無捨，乃至於一切智無取無捨，於道相智、一切相智無取無捨。」（大正 7，146a24-29）

³⁹ 四天=天四【宋】【宮】，〔四〕-【聖】。（大正 25，457d，n.23）

⁴⁰ 已=以【石】*。（大正 25，457d，n.24）

⁴¹ 二種仙：人、天。（印順法師，《大智度論筆記》〔E010〕，p.303）

是般若波羅蜜，雖畢竟空而不墮斷滅，雖分別有三乘亦不生著心——於二⁴³事中不取定相。⁴⁴

是事甚深微妙（457c），故諸天大歡喜，歎言：「快哉！」

【貳】佛述成諸天所歎，更說因緣，並舉本生事為證

一、佛述成諸天所歎，更說因緣：諸法中佛不可得，離諸法佛亦不可得

佛然其讚，更說甚深因緣：「從六波羅蜜乃至一切種智中佛不可得；離此，佛亦不可得；諸法和合因緣故有佛，無有自性。若菩薩能如是行者，當知是菩薩即是佛。」

「即是佛」者，是世界中語；如太子雖未正位，必當為王。

二、舉本生事為證

此中佛自引本事以為證；此菩薩已得無生忍，入菩薩位，見十方諸佛。⁴⁵

【參】諸天領解重讚：般若令菩薩得薩婆若，於諸法不取不捨

諸天聞佛廣明已所歎⁴⁶義，解心轉深，重復⁴⁷讚歎。

以見一切法過罪故「不取」，有利益故「不捨」。

又以一切法畢竟空、不生不滅故「不取、不捨」。⁴⁸

【經】

貳、讚般若功德

（壹）明應機之眾——帝釋天主

爾時，佛觀四眾和合——比丘、比丘尼、優婆塞、優婆夷，及諸菩薩摩訶薩，并四天王天⁴⁹乃至阿迦尼吒諸天，皆會⁵⁰坐。

普觀已，佛告釋提桓因：「憍尸迦！

（貳）聞持般若得種種功德

一、魔不能得便——自行、教他般若，不離薩婆若心，知諸法不可得故

若⁵¹菩薩摩訶薩、若比丘、若⁵²比丘尼、若優婆塞、若優婆夷、若諸天子、若諸天女，

⁴² 差降：按等第遞降。（《漢語大詞典》（二），p.976）

⁴³ 二=三【石】。（大正 25，457d，n.26）

⁴⁴ 深法：畢竟空而有三乘，有三乘而不著心。（印順法師，《大智度論筆記》〔E010〕p.304）

⁴⁵ 關於釋尊昔時證得無生法忍的歷程，《大智度論》中似存載不同的傳說。如《大智度論》卷 49：「如釋迦文佛本為菩薩時，名曰樂法。時世無佛，不聞善語，四方求法精勤不懈，了不能得。爾時魔變作婆羅門而語之言：『我有佛所說一偈，汝能以皮為紙、以骨為筆、以血為墨，書寫此偈，當以與汝。』樂法即時自念：『我世世喪身無數，不得是利。』即自剝皮，曝之令乾，欲書其偈，魔便滅身。是時佛知其至心，即從下方踊出，為說深法，即得無生法忍。」（大正 25，412a12-20）

⁴⁶ 歎=讚【宋】【元】【明】【宮】。（大正 25，457d，n.27）

⁴⁷ 重復：亦作“重複”。1.謂相同的事物又一次出現。（《漢語大詞典》（十），p.390）

⁴⁸ 不：不取不捨。（印順法師，《大智度論筆記》〔E010〕p.303）

⁴⁹ 〔天〕—【宋】【元】【明】【宮】。（大正 25，457d，n.28）

⁵⁰ 會：2.會合，聚會。（《漢語大詞典》（五），p.782）

⁵¹ 〔若〕—【宮】【聖】【石】。（大正 25，457d，n.29）

⁵² 〔若〕—【石】。（大正 25，457d，n.30）

是⁵³般若波羅蜜，若聽、受持、親近、讀、誦、為他說、正憶念，不離薩婆若心，諸天子！是人，魔、若魔天不能得其便⁵⁴。⁵⁵

何以故？是善男子、善女人諦了知色空，空不能得空便，無相不能得無相便，無作不能得無作便；諦了知受、想、行、識空，空不能得空便，乃至無作不能得無作便；乃至諦了知一切種智空，空不能得空便，乃至無作不能得無作便。

何以故？是諸法⁵⁶自性不可得，無事可得便，誰受惱者？⁵⁷

二、人非人等不得其便——以無所得修四無量心故

復次，憍尸迦！是善男子、善女人，若人、非⁵⁸人不能得其便。

何以故？是善男子、善女人，一切眾生中善修慈心、悲喜捨心，以無所得故。

三、終不橫死——等心施眾生故

憍尸迦！是善男子、善女人終不橫死⁵⁹。何以故？是善男子、善女人（458a）行檀波羅蜜，於一切眾生等心供給故。

四、諸天有發無上道心者，應深心聽聞受持般若

復次，憍尸迦！三千大千世界，四天王天、三十三天、夜摩天、兜率陀天、化樂⁶⁰天、他化自在天，梵天、光音天、遍淨天、廣果天——是諸天中有發阿耨多羅三藐三菩提心者，未聞是般⁶¹若波羅蜜，未受持、親近，是諸天子今應聞、受持、親近、讀、誦、正憶念，不離薩婆若心。

五、行般若者住於三處無畏——以無所得明十八空故

復次，憍尸迦！諸善男子、善女人聞是般若波羅蜜，受持、親近、讀、誦、正憶念，不離薩婆若心，是諸善男子、善女人，若在空舍、若在曠⁶²野⁶³、若人住處，終不怖畏。

何以故？是諸⁶⁴善男子、善女人明於內空，以無所得故；明於外空乃至無法有法空，以無所得故。」

⁵³（於）+是【元】【明】。（大正 25，457d，n.31）

⁵⁴（1）便：7.指適宜的時機。（《漢語大詞典》（一），p.1360）

（2）得便：1.遇到適宜的機會。（《漢語大詞典》（三），p.995）

⁵⁵《大般若波羅蜜多經》卷 427〈28 授記品〉：「當知是輩一切惡魔及惡魔軍不能燒害。」（大正 7，146b9-10）

⁵⁶〔法〕—【聖】。（大正 25，457d，n.32）

⁵⁷《大般若波羅蜜多經》卷 427〈28 授記品〉：「善男子、善女人等善住色空、無相、無願，善住受、想、行、識空、無相、無願。如是乃至善住一切智空、無相、無願，善住道相智、一切相智空、無相、無願。不可以空燒害於空，不可以無相燒害無相，不可以無願燒害無願。所以者何？如是諸法皆無自性，能、所燒害俱不可得。」（大正 7，146b10-16）

⁵⁸〔若人非〕—【宋】【宮】【聖】。（大正 25，457d，n.33）

⁵⁹橫死：指因自殺、被害或因意外事故而死亡。（《漢語大詞典》（四），p.1242）

⁶⁰（1）槃=樂【宋】【元】【明】【宮】【聖】【石】。（大正 25，458d，n.1）

（2）《大正藏》原作「槃」，今依【宋】【元】【明】【宮】【聖】【石】及《高麗藏》作「樂」（第 14 冊，940a11）。

⁶¹般=槃【石】*。（大正 25，458d，n.2）

⁶²曠=廣【石】。（大正 25，458d，n.3）

⁶³曠野：1.空闊的原野。（《漢語大詞典》（五），p.845）

⁶⁴〔諸〕—【宋】【元】【明】【宮】。（大正 25，458d，n.4）

【論】

貳、讚般若功德

(壹) 明應機之眾——帝釋天主

一、以帝釋為應機眾之理由

問曰：此中佛觀四部眾已⁶⁵，何以告釋提桓因？

答曰：

(一) 欲讚般若功德故

餘品中多說般若波羅蜜體，⁶⁶今欲讚般若功德，故命釋提桓因；譬如先以好寶示人，然後讚寶所能。

(二) 說功德應以白衣為證，白衣中帝釋大故

復次，普觀者，欲⁶⁷令會中眾生各知佛顧念⁶⁸，則不自輕；不自輕故，堪任聽法，是以普觀。譬如王顧眄⁶⁹群下⁷⁰，群下則欣⁷¹然自慶。

說功德故，應以白衣證⁷²；白衣中釋提桓因為大。

說般若者，以出家人為證；出家人中⁷³，是舍利弗、須菩提等為大。

二、佛喚帝釋為僑尸迦之理由

問曰：先言「釋」是⁷⁴字，「提婆⁷⁵因」是天主，今佛何以不言「釋」，乃命言「僑尸迦」？

答曰：昔摩伽陀國中，有婆羅門名摩伽，姓僑尸迦，有福德大智慧，知友⁷⁶三十三人共修福德，命終皆生須彌山頂第二天上，摩伽婆羅門為天主，三十二人為輔臣。以此三十三人故，名為「三十三天」。

喚其本姓故言「僑尸(458b)迦」；或言「天主」，或言「千眼」等。大人喚之，

⁶⁵ 已=以【明】。(大正 25, 458d, n.5)

⁶⁶ 釋厚觀、郭忠生合編，〈大智度論之本文相互索引〉，《正觀》(6)，p.156：

(1)《大智度論》卷 43〈9 集散品〉：「世尊！菩薩摩訶薩欲行般若波羅蜜，應如是思惟：『何者是般若波羅蜜？何以故名般若波羅蜜？是誰般若波羅蜜？』」(大正 25, 369b26-28)

(2)《大智度論》卷 53〈26 無生品〉：「爾時，慧命舍利弗語須菩提：『菩薩摩訶薩行般若波羅蜜觀諸法，何等是菩薩？何等是般若波羅蜜？何等是觀？』」(大正 25, 435c25-27)

(3)《大智度論》卷 54〈27 天主品〉：「爾時，釋提桓因白大德須菩提：『……一切和合，欲聽須菩提說般若波羅蜜義。須菩提！菩薩摩訶薩云何應住般若波羅蜜中？何等是菩薩摩訶薩般若波羅蜜？云何菩薩摩訶薩應行般若波羅蜜？』」(大正 25, 442b25-c1)

⁶⁷ 欲=故【聖】。(大正 25, 458d, n.6)

⁶⁸ 顧念：1.眷顧想念，念及。(《漢語大詞典》(十二)，p.361)

⁶⁹ (1) 眄=明【聖】。(大正 25, 458d, n.7)

(2) 眄(㇀-㇁)：5.眷顧。(《漢語大詞典》(七)，p.1166)

⁷⁰ 群下：泛指僚屬或群臣。(《漢語大詞典》(九)，p.184)

⁷¹ 欣=仰【聖】。(大正 25, 458d, n.8)

⁷² 證：2.驗證，證實。4.以之為準則。(《漢語大詞典》(十一)，p.429)

⁷³ 中+ (大)【石】。(大正 25, 458d, n.9)

⁷⁴ 是=提【宋】。(大正 25, 458d, n.10)

⁷⁵ 婆=桓【宋】【元】【明】【宮】。(大正 25, 458d, n.11)

⁷⁶ 知友：知心朋友。(《漢語大詞典》(七)，p.1526)

故稱其姓。⁷⁷

（貳）聞持般若得種種功德

一、魔不能得便——自行、教他般若，不離薩婆若心，知諸法不可得故

（一）略說聽聞、受持般若等，當得種種功德

此中所說「般若波羅蜜」者，是十方諸佛所說語言名字、書寫經卷，宣傳顯示實相智慧。

何以故？般若波羅蜜無諸觀語言相，而因語言、經卷能得此般若波羅蜜，是故以名字、經卷名為「般若波羅蜜」。⁷⁸

此中略說佛意：若能聞、受持般若等，當得種種功德，⁷⁹後⁸⁰當廣說。⁸¹

（二）魔不能得便

1、總說

欲度眾生、為得佛道故，供養受學般若波羅蜜；是人，魔、若魔天不能得便。

⁷⁷ 《雜阿含經》卷 40（1106 經）：

如是我聞：一時，佛住鞞舍離國獼猴池側重閣講堂。

時有異比丘，來詣佛所，稽首佛足，退住一面，白佛言：「世尊！何因何緣，釋提桓因名釋提桓因？」

佛告比丘：「釋提桓因本為人時，行於頓施沙門、婆羅門，貧窮困苦求生，行路乞，施以飲食、錢財、穀帛、華香、嚴具、床臥、燈明，以堪能故名釋提桓因。」

比丘復白佛言：「世尊！何因何緣故釋提桓因復名富蘭陀羅？」

佛告比丘：「彼釋提桓因本為人時，數數行施衣被、飲食乃至燈明，以是因緣故，名富蘭陀羅。」

比丘復白佛言：「何因何緣故復名摩伽婆？」

佛告比丘：「彼釋提桓因本為人時，名摩伽婆，故釋提桓因即以本名名摩伽婆。」

比丘復白佛言：「何因何緣復名娑婆婆？」

佛告比丘：「彼釋提桓因本為人時，數以婆誥和衣布施供養，以是因緣故，釋提桓因名娑婆婆。」

比丘復白佛言：「世尊！何因何緣釋提桓因復名憍尸迦？」

佛告比丘：「彼釋提桓因本為人時，為憍尸族姓人，以是因緣故，彼釋提桓因復名憍尸迦。」

比丘問佛言：「世尊！何因何緣彼釋提桓因名舍脂鉢低？」

佛告比丘：「彼阿修羅女，名曰舍脂，為天帝釋第一天后，是故帝釋名舍脂鉢低。」

比丘白佛言：「世尊！何因何緣釋提桓因復名千眼？」

佛告比丘：「彼釋提桓因本為人時，聰明智慧，於一坐間思千種義，觀察稱量，以是因緣，彼天帝釋復名千眼。」

比丘白佛：「何因何緣彼釋提桓因復名因提利？」

佛告比丘：「彼天帝釋於諸三十三天為王、為主，以是因緣故，彼天帝釋名因提利。」

佛告比丘：「然彼釋提桓因本為人時，受持七種受，以是因緣得天帝釋。何等為七？釋提桓因本為人時，供養父母，乃至等行惠施，是為七種受，以是因緣為天帝釋。」

爾時，世尊即說偈言，如上廣說。佛說此經已，諸比丘聞佛所說，歡喜奉行。（大正 2，290c20-291a26）

⁷⁸ 文字般若。（印順法師，《大智度論筆記》〔E010〕p.303）

⁷⁹ 般若功德。（印順法師，《大智度論筆記》〔E010〕p.304）

⁸⁰ 後=復【宋】【元】【明】【宮】。（大正 25，458d，n.12）

⁸¹ （1）《大智度論》卷 56〈30 顧視品〉至《大智度論》卷 60〈38 校量法施品〉（大正 25，457a6-486a21）。

（2）書寫、聽聞、受持般若功德，參見印順法師，《華雨集》（二），pp.118-119。

2、別辨**(1) 云何魔能得便**

問曰：何者是魔？何故惱菩薩？云何得便？

答曰：

A、釋「何者是魔」

「魔」名自在天主。

B、釋「魔何故惱菩薩」**(A) 菩薩欲出三界，魔心生嫉妬故惱菩薩**

雖以福德因緣生彼，而懷諸邪見，以欲界眾生是己人民，雖復死生展轉，不離我界；若復上生色、無色界，還來屬我；若有得外道五通，亦未出我界，皆不以為憂。若佛及菩薩出世者，化度我民，拔生死根，入無餘涅槃，永不復還，空我境界，是故起恨讎嫉⁸²。

又見欲界人皆往趣佛，不來歸⁸³己；失供養故，心生嫉妬⁸⁴，是以以佛、菩薩名⁸⁵為怨家。

(B) 未得阿鞞跋致，或起懈怠、著世樂等，魔得其便

是菩薩入法位，得法性生身，魔雖起惡不能壞敗；若未得阿鞞跋致者，魔則種種破壞。

若菩薩一心不惜身命，有方便求佛道者，十方諸佛及諸大菩薩皆共護持，以是因緣故，能成佛道。

若為菩薩而有懈怠，貪著世樂，不能專心勤求佛道，是則自欺，亦欺十方諸佛及諸菩薩。所以者何？自言「我為一切眾生故求佛道」，而行雜行，壞菩薩法；以是罪故，諸佛菩薩所不守護，魔得其便。

所以者何？一切聖人已入正位，一心行道，深樂涅槃；魔入邪(458c)位，愛⁸⁶著邪道；邪正相違，是故憎嫉正行，狂愚自高，喚佛沙門瞿曇，佛稱其實名為弊⁸⁷魔。以相違故⁸⁸，名為怨家。

(C) 以般若力故，四魔不能得便

如《經》說魔有四種：一者、煩惱魔，二者、五眾魔，三者、死魔，四者、自在天子魔。⁸⁹

⁸² (1) 嫉=疾【石】。(大正 25, 458d, n.13)

(2) 讎嫉：仇恨，嫉恨。(《漢語大詞典》(十一)，p.907)

⁸³ 歸=師【宮】。(大正 25, 458d, n.14)

⁸⁴ 嫉妬=妬嫉【石】。(大正 25, 458d, n.15)

⁸⁵ [名]—【宮】【聖】。(大正 25, 458d, n.16)

⁸⁶ 愛=受【宮】。(大正 25, 458d, n.17)

⁸⁷ 弊：5.壞，低劣。(《漢語大詞典》(二)，p.1317)

⁸⁸ [故]—【宮】【聖】【石】。(大正 25, 458d, n.18)

⁸⁹ (1)《增壹阿含經》卷 51〈52 大愛道般涅槃分品〉：「云何比丘而降四？於是比丘降身魔、欲魔、死魔、天魔，皆悉降伏。」(大正 2, 827a20-22)

(2) 四魔。(印順法師，《大智度論筆記》[E010] p.304)

此中以般若力故，四魔不能得便：得諸法實相，煩惱斷，則壞煩惱魔，天魔亦不能得其便；入無餘涅槃故，則壞⁹⁰五眾魔及死魔。

C、釋「云何得便」

云何為得便？

魔及魔民⁹¹來恐怖菩薩，如《經》中說：魔作龍身，種種異形可畏之象⁹²，夜來恐怖行者；或現上妙五欲，壞亂菩薩；或轉世間人心令作大供養，行者貪著供養故，則失道德；或轉人心令輕惱菩薩，或罵、或打、或傷、或害，行者遭苦，或生瞋恚憂愁。

如是等，魔隨前⁹³人意所趣向，因而壞之，是名「得便」。如〈魔品〉⁹⁴中廣說。

(2) 肉身菩薩云何魔不能得其便——諸佛菩薩所護，善修諸法空故

問曰：魔力甚大，肉身菩薩道力尚少⁹⁵，云何不得便？

答曰：

A、諸佛菩薩所護故

如上說⁹⁶，為諸佛菩薩所護故。

B、善修諸法空、無相、無作，亦不著空、無相、無作故

此中佛自說因緣：「是人善修諸法空，亦不著空；不著空者，云何當得便！」譬如無瘡⁹⁷則不受毒。

無相、無作亦如是。

C、如實觀一切法皆是空、無相、無作相故無得便，亦無受便者

復次，一切法實觀，皆是空、無相、無作相；皆是空、無相、無作相故，則無得便，亦無受便者；是故空不應得空便，無相不應得無相便，無作不應得無作便，以一相故。如火不能滅火，得水則滅，以異相故。

※ 因論生論：三解脫門無有自性，菩薩雖住而不著，故魔不能得便

問曰：菩薩住三解脫門，則是受便處，與一切法相違故——空與有相違，無相與有相相違，無作與有作相違！

答曰：此經中佛自說：「三解脫門無有自性。」

又先論議中說：於空、無相、無作中亦不著。⁹⁸

⁹⁰ 壞=懷【聖】。(大正 25, 458d, n.19)

⁹¹ 民=人【宋】【元】【明】【宮】【聖】。(大正 25, 458d, n.20)

⁹² 象=像【宋】【元】【明】【宮】【聖】【石】。(大正 25, 458d, n.21)

⁹³ 〔前〕—【聖】。(大正 25, 458d, n.22)

⁹⁴ 《正觀》(6), p.156:

(1) 《摩訶般若波羅蜜經》卷 13-14 〈46 魔事品〉、〈47 兩過品〉(大正 8, 318b-323a)。

(2) 《放光般若經》卷 10-11 〈47 覺魔品〉、〈48 不和合品〉(大正 8, 72c-76b)。

⁹⁵ 少=小【聖】。(大正 25, 458d, n.23)

⁹⁶ 《正觀》(6), p.157:《大智度論》卷 37 (大正 25, 332c8-16)。

⁹⁷ 瘡=創【石】。(大正 25, 458d, n.24)

⁹⁸ 《正觀》(6), p.156:《大智度論》卷 20 (大正 25, 207b2-c15)。

是(459a)故雖住三解脫門，魔及魔民不得其便。

二、人非人等不得其便——以無所得修四無量心故

(一) 稱言「善男子、善女人」之意

問曰：餘處皆言「菩薩摩訶薩」，今何以言「善男子、善女人」？

答曰：

1、能信受實相般若者，得名「菩薩摩訶薩」；供養受持文字般若，得稱「善男子、善女人」

先說實相智慧難受，以能受故，則是菩薩摩訶薩；今說供養、受持、讀、誦等，雜⁹⁹說故，得稱¹⁰⁰「善男子、善女人」。

2、雖經說「女人五礙」，然女人可得作佛故，佛於此間說善男子、善女人

復次，《經》中說女人有五礙：不得作釋提桓因、梵王、魔王、轉輪聖王、佛。¹⁰¹聞是五礙不得作佛，女人心退，不能發意。或有說法者，不為女人說佛道。是故佛此間說「善男子、善女人」。

女人可得作佛，非不轉女身也。¹⁰²五礙者，說一身事。

善男子、善女人義，先已廣說。¹⁰³

(二) 人不得便：修四無量心 (印順法師，《大智度論筆記》[E010] p.304)

1、略說：官府、怨賊等人欲惱菩薩

「人不得便」者，「人」名若賊、若官、若怨等，欲惱亂菩薩，求索其便。

2、釋疑：先說「善修諸法空」，魔不得便；今云何說「修四無量心」，人不得便

問曰：先說¹⁰⁴不得便因緣，何以但¹⁰⁵說「空」？今說人不得便，但說「四無量心」？

答曰：

(1) 怨大，故說空(法大)；怨小，故說四無量心(法小)

有人言：先說「魔若魔民」，怨大故法亦大，故說「空」；怨小故法亦小，故說「四無量心」。

(2) 前修四無量，為集諸功德故；後以般若空相，令除邪見，不著眾生與法

有人言：四無量心是菩薩常行，為集諸功德故；後以般若波羅蜜空相，令除邪見，不著眾生，亦不著法。是二法前後無在¹⁰⁶。

⁹⁹ 雜=離【宋】。(大正 25, 459d, n.1)

¹⁰⁰ 得稱=攝得【宋】【元】【明】【宮】，=稱得【聖】【石】。(大正 25, 459d, n.2)

¹⁰¹ 參見《中阿含經》卷 28《瞿曇彌經》(大正 1, 607b10-15), MN. III, pp.65-66,《中部·多界經》(日譯南傳 11 下, pp.62-63, 漢譯南傳 12, pp.45-46), AN. I, p.28,《增支部》「一集」(日譯南傳 17, pp.40-41, 漢譯南傳 19, p.35),《大智度論》卷 2〈1 序品〉(大正 25, 72b27-28)、卷 9〈1 序品〉(大正 25, 125a5-7)等。

¹⁰² 女人成佛非不轉身。(印順法師，《大智度論筆記》[E018] p.316)

¹⁰³ 《正觀》(6), p.157:《大智度論》卷 35 (大正 25, 315c24-317a9)。

¹⁰⁴ 說+(魔)【宋】【元】【明】。(大正 25, 459d, n.3)

¹⁰⁵ 但=恒【聖】。(大正 25, 459d, n.4)

¹⁰⁶ (1) 在：14.在乎。(《漢語大詞典》(二), p.1008)

(2) 無在：1.猶言不在乎。(《漢語大詞典》(七), p.107)

(3) 案：「是二法前後無在」可解作「四無量心與般若波羅蜜，何者在前何者在後都沒關係」。

（3）魔作恐怖事多不現本形，是故說「諸法空」；人來惡口罵詈、刀杖打斫，故用「四無量心」
復次，上魔作恐怖事甚多，多¹⁰⁷不現本形，或現雷震、或作風雨、或作病痛等，是故說諸¹⁰⁸法空；令¹⁰⁹人來惡口罵詈、刀杖¹¹⁰打¹¹¹斫¹¹²，故用四無量¹¹³心。

三、終不橫死

（一）釋「橫死」

「不橫死」者，所謂無罪而死——或壽命未盡，錯投藥故，或不順¹¹⁴藥法，或無看病入；或飢¹¹⁵渴、寒熱等天命，是名「橫死」。

（二）終不橫死：普施眾生故，行般若故

（印順法師，《大智度論筆記》〔E010〕p.304）

菩薩從初發意來，於一切眾生中，常行檀波羅蜜——應病與藥，隨病所須，拯濟孤窮，隨其所乞¹¹⁶皆給¹¹⁷與之，於一切眾生中，悉皆平等，好心供養；亦行是般若波羅蜜。以是功德故（459b）不橫死。

四、諸天有發無上道心者，應深心聽聞受持般若

（一）般若為佛道之本，發無上道心者應深心聽聞受持

是中略說三功德¹¹⁸已，三千大千世界中，諸天發心，未聞般若波羅蜜者，先說善男子、善女人應聞、受持乃至正憶念，今說因緣。

諸天有大功德，猶尚供養，何況於人？

雖一切人天應聽般若，能發無上道心者，最應深心聽。所以者何？般若是佛道之本故。

※ 因論生論：明諸天發心何以不聞般若

問曰：此天發心，何以不聞般若？

答曰：

1、欲界天五欲覆心故，不聞般若

有人言：此天前世人中發意，今生天上，五欲覆心故不聞。

2、欲界天五欲染著深故，色界天味著禪定深故，皆不能求般若

復次，諸天雖發無上道心，五情利，五欲妙，染著深故，視東忘西，不能求般若。色界諸天，雖先聞法發心，以味著禪定深故，不能求般若。是故說「不聞者應聞、受持」。

¹⁰⁷ 〔多〕—【宋】【元】【明】【宮】。（大正 25，459d，n.5）

¹⁰⁸ 〔諸〕—【聖】【石】。（大正 25，459d，n.6）

¹⁰⁹ 令=今【宋】【元】【宮】【聖】【石】。（大正 25，459d，n.7）

¹¹⁰ 杖=仗【聖】。（大正 25，459d，n.8）

¹¹¹ 〔打〕—【宮】【聖】。（大正 25，459d，n.9）

¹¹² 斫=破【石】。（大正 25，459d，n.10）

¹¹³ 量=礙【宋】。（大正 25，459d，n.11）

¹¹⁴ 順=慎【石】。（大正 25，459d，n.12）

¹¹⁵ 飢=饑【明】下同。（大正 25，459d，n.13）

¹¹⁶ 乞=乏【石】。（大正 25，459d，n.14）

¹¹⁷ 給=繼【聖】。（大正 25，459d，n.15）

¹¹⁸ 「三功德」者，即指前經文：「魔等不能得便、人非人等不得其便、終不橫死」三事。

詳見《摩訶般若波羅蜜經》卷 8（大正 8，280a5-24），《大智度論》卷 56（大正 25，457c12-458a1）。

〔二〕諸天應護持菩薩不使魔得便——天與菩薩同事故

復次，先說「魔及魔民¹¹⁹不能得其便」，是內因緣，所謂空三昧及四無量心；今更說「不得便」，是外因緣，所謂佛告諸天：「汝等供養受持般若，是善男子、善女人亦受持供養是般若；同事¹²⁰故，若魔來破，汝應守護！」

五、行般若者住於三處無畏——以無所得明十八空故**〔一〕明三處**

復次，受持般若者，若在空中住、若在曠野、若在人間住。

1、空舍

處空舍中，多諸鬼魅及以賊寇，眾惡易來，故初說。

2、曠野

除人住處及以空舍，餘殘山澤樹林等，皆是曠野；少人行故，多諸虎、狼、師子、惡賊、鬼魅。

3、人住處

人所住處不淨故，魔及鬼神魘¹²¹來；諸難少故，是以後說。

〔二〕終不怖畏：善修十八空故，般若波羅蜜威德力故（印順法師，《大智度論筆記》〔E010〕p.304）

行者於三處住，無所畏懼，以二因緣故：一者、善修十八空，二者、般若波羅蜜威¹²²德故。

【經】**參、諸天發願，常守護受持般若之菩薩****〔壹〕以菩薩因緣故有人天善業善果及三乘聖行聖果，諸天誓願守護¹²³****一、諸天發願守護受持般若之菩薩**

爾時，三千大千世界中諸四天王天、三十三天、夜摩天、兜率陀天、化樂天、他化自在天乃至首陀婆¹²⁴諸天白佛言：「世尊！是善男子、善女人能受持般若波羅蜜，親近、讀、誦、正憶（459c）念，亦¹²⁵不離薩婆若心者，我等常當守護！」

二、釋應守護菩薩之原因

何以故？世尊！

〔一〕因菩薩因緣故斷三惡道及斷善道中諸不如意事

以菩薩摩訶薩因緣故，斷三惡道，斷天人¹²⁶貧，斷諸災患、疾病、飢餓。¹²⁷

¹¹⁹ 民=天【宋】【元】【明】【宮】【聖】【石】。（大正 25，459d，n.16）

¹²⁰ 同事：2.相與共事。（《漢語大詞典》（三），p.109）

¹²¹ 魘（ㄊ一ㄋㄨˇ）：同「鮮」。少（《漢語大字典》（一），p.565）

¹²² 威=威【聖】。（大正 25，459d，n.17）

¹²³ 由菩薩有：人天善業善果，三乘聖行聖果。（印順法師，《大智度論筆記》〔E010〕p.304）

¹²⁴ 《翻譯名義集》卷 2：「首陀婆，《大論》云：秦言淨居天，通五淨居。」（大正 54，1077c14）

¹²⁵ 〔亦〕—【宋】【元】【明】【宮】【聖】。（大正 25，459d，n.18）

¹²⁶ 天人=人天【石】。（大正 25，459d，n.19）

¹²⁷ 《大般若波羅蜜多經》卷 427〈28 授記品〉：「世尊！由是菩薩摩訶薩故，令諸有情永斷地獄、

（二）因菩薩故有世間及出世間諸善法

以菩薩因緣故，便有十善道出世間，四禪、四無量心、四無色定，檀波羅蜜、尸羅¹²⁸波羅蜜、羼提波羅蜜、毘梨耶波羅蜜、禪波羅蜜、般若波羅蜜，內空乃至無法有法空，四念處乃至一切種智。

（三）因菩薩故有人天善果

以菩薩因緣故，世間便有生剎利大姓、婆羅門大姓、居士大家，諸王及轉輪聖王，四天王天乃至阿迦尼吒天。

（四）因菩薩故有二乘聖者、二乘果

以菩薩因緣故，有須陀洹、須陀洹果，乃至阿羅漢、阿羅漢果，辟支佛、辟支佛道。

（五）因菩薩故有三寶出現於世

以菩薩因緣故，有成就眾生、淨佛世界¹²⁹，便有諸佛出現於世，便有轉法輪，知¹³⁰有¹³¹佛寶、法寶、比丘僧寶。

三、結：應守護

世尊！以是因緣故，一切世間諸天及人、阿脩羅應守護是菩薩摩訶薩。」

（貳）佛述成，更說菩薩之勝德

一、佛述成

佛語釋提桓因¹³²：「如是！如是！憍尸迦！以菩薩摩訶薩因緣故，斷三惡道乃至三寶出現於世。以是故，諸天及人、阿脩羅常應守護、供養、恭敬、尊重、讚歎是菩薩摩訶薩。」

二、佛更說菩薩之勝德

（一）供養行般若之菩薩，即是供養佛

憍尸迦！供養、恭敬、尊重、讚歎是菩薩摩訶薩，即是供養我。以是故，是諸菩薩摩訶薩，諸天及人、阿脩羅常應守護、供養、恭敬、尊重、讚歎。

（二）供養二乘不如供養初發心菩薩

憍尸迦！若三千大千世界滿中聲聞、辟支佛，譬如竹箠¹³³、稻、麻、叢林，若有善男子、善女人供養、恭敬、尊重、讚歎，不如供養、恭敬、尊重、讚歎初發心菩薩摩訶薩不離六波羅蜜所¹³⁴得福德。

傍生、鬼界、阿素洛等諸險惡趣。世尊！由是菩薩摩訶薩故，令諸天、人、藥叉、龍等永離一切災橫、疾疫、貧窮、飢渴、寒熱等苦。世尊！由是菩薩摩訶薩故，令諸天、人、阿素洛等永離種種不如意事，所住之處兵戈永息，一切有情慈心相向。」（大正 7，146c15-22）

¹²⁸ 〔羅〕－【宋】【元】【明】【宮】下同。（大正 25，459d，n.20）

¹²⁹ 世界＝國土【元】【明】【石】下同。（大正 25，459d，n.21）

¹³⁰ 知＝智【聖】。（大正 25，459d，n.22）

¹³¹ 有＝是【宋】【元】【明】【宮】。（大正 25，459d，n.23）

¹³² 因＋（言）【石】。（大正 25，459d，n.24）

¹³³ （1）箠＝蓮【聖】。（大正 25，459d，n.25）

（2）箠：竹名。（《漢語大字典》（五），p.2995）

¹³⁴ 所＝不【聖】。（大正 25，459d，n.26）

何以故？不以聲聞、辟支佛因緣故有菩薩摩訶薩及諸佛出現於世，以有菩薩摩訶薩因緣故有聲聞、辟支佛、諸佛出現於世。

以是故，憍尸迦！是諸(460a)菩薩摩訶薩，一切世間諸天及人、阿修羅常應守護、供養、恭敬、尊重、讚歎。」

【論】釋曰：

參、諸天發願，常守護受持般若之菩薩

(壹) 以菩薩因緣故有人天善業善果及三乘聖行聖果，諸天誓願守護

一、諸天發願守護受持般若之菩薩

爾時諸天白佛：「我等當守護是菩薩，與我等同事故；亦以¹³⁵求佛道者，能自捨身樂欲，使一切眾生得樂故。」¹³⁶

二、釋應守護菩薩之原因

(一) 因菩薩因緣故斷三惡道及斷善道中諸不如意事

「因菩薩斷三惡道」者，菩薩雖未離欲，能遮¹³⁷眾生十不善故，斷三惡道及天人貧¹³⁸、諸災患等。

(二) 因菩薩故有世間及出世間諸善法

行十善故，開三善道門。

或有菩薩見五欲過罪¹³⁹，能離欲得四禪；以本願故，起四無量心；欲¹⁴⁰離¹⁴¹種種因緣身苦故，起四無色定。

為佛道故，修六波羅蜜乃至一切種智。

是法，亦自行、亦教人；以是福德道法，於眾生中展轉相教，常在世間。

(三) 因菩薩故有人天善果、二乘及三寶出現於世

今當說是諸善法果報——生剎利大姓乃至三寶出現於世；如先義中說。¹⁴²

三、結：應守護

今是菩薩結業生身，在因緣中，無有力勢，而能說是善法，令眾生修行，我等云何當¹⁴³不守護？譬如太子雖小，群臣百官無不奉承¹⁴⁴。

¹³⁵ 〔以〕－【聖】【石】。(大正 25, 460d, n.1)

¹³⁶ 般若功德：天與菩薩同事故，菩薩捨己利他故。(印順法師，《大智度論筆記》[E010]，p.304)

¹³⁷ 遮＝癈【聖】。(大正 25, 460d, n.2)

¹³⁸ 貧＋(窮)【宋】【元】【明】【宮】。(大正 25, 460d, n.3)

¹³⁹ 過罪＝罪過【宋】【元】【明】【宮】。(大正 25, 460d, n.4)

¹⁴⁰ 欲＝破【聖】【石】。(大正 25, 460d, n.5)

¹⁴¹ 〔離〕－【聖】【石】。(大正 25, 460d, n.6)

¹⁴² 《正觀》(6)，p.158：

(1)《摩訶般若波羅蜜經》卷 1〈3 習相應品〉(大正 8, 222b22-c2)，《大智度論》卷 36(大正 25, 323a29-c20)。

(2)《摩訶般若波羅蜜經》卷 2〈5 歎度品〉(大正 8, 230a3-18)，《大智度論》卷 40(大正 25, 354b28-c11)。

¹⁴³ 云何當＝當云何【元】【明】【石】。(大正 25, 460d, n.7)

¹⁴⁴ 承＝敬【石】。(大正 25, 460d, n.8)

（貳）佛述成，更說菩薩之勝德

一、佛述成

佛可諸天，述而成之。

二、佛更說菩薩之勝德

（一）供養行般若之菩薩，即是供養佛

「若供養菩薩，即是供養佛」者，般若是三世佛母；若為般若故¹⁴⁵供養菩薩，則為供養佛。

（二）供養二乘不如供養初發意菩薩

「不如供養恭敬初發意菩薩」者。

問曰：二乘已證實際，是一切眾生福田，何以故不如¹⁴⁶初發意菩薩？

答曰：以三事故不如：一者、用薩婆若心行般若¹⁴⁷，二者、常不離六波羅蜜等諸功德，三者、由是菩薩斷三惡道、出生三乘。依二乘人，不能斷三惡道、出生三乘。¹⁴⁸

¹⁴⁵ 〔故〕－【宋】【宮】。（大正 25，460d，n.9）

¹⁴⁶ 如＝知【宮】＊。（大正 25，460d，n.10）

¹⁴⁷ 〔般若〕－【宋】【元】【明】【宮】。（大正 25，460d，n.11）

¹⁴⁸ 用薩婆若心行

發意菩薩三事勝二乘 | 常不離六度

└斷三惡，出三乘

（印順法師，《大智度論筆記》〔B019〕p.146）

〈釋滅諍亂品第三十一¹⁴⁹〉¹⁵⁰
 (大正 25, 460a27-463b13)

【經】

壹、明受持般若得今世及後世功德

(壹) 帝釋稱歎受持般若功德

一、明受持般若得今世功德

爾時釋提桓因白佛言：「世尊！甚奇希有！諸菩薩摩訶薩，是¹⁵¹般若波羅蜜，若聞、受持、親(460b)近、讀、誦、為他人¹⁵²說、正憶念時，得如是今世功德；亦成就眾生、淨佛世界；從一佛界¹⁵³至一佛界，供養諸佛；所欲供養之具，隨意即得；從諸佛聞法，至得阿耨多羅三藐三菩提，終不中忘；亦得家成就、母成就、生成就、眷屬成就、相成就、光明成就、眼¹⁵⁴成就、耳成就、三昧成就、陀羅尼成就。¹⁵⁵

是菩薩以方便力變身如佛，從一界¹⁵⁶至一界，到無佛處，讚檀波羅蜜乃至般若波羅蜜，讚四禪、四無量心、四無色定，讚四念處乃至十八不共法；以方便力說法，以三乘法度脫眾生，所謂聲聞、辟支佛、佛乘。

二、受持般若總攝五度乃至一切種智等功德

世尊！快哉！希有！受是般若波羅蜜，為已¹⁵⁷總攝五波羅蜜乃至十八不共法，亦攝須陀洹果乃至阿羅漢果、辟支佛道、佛道、一切智、一切種智。」

(貳) 如來述成，更廣說今世及後世功德

一、如來述成

佛告釋提桓因：「如是！如是！憍尸迦！受是般若波羅蜜，為已總攝五波羅蜜乃至一切種智。

二、更廣說今世及後世功德

(一) 初說二世功德

1、明今世功德

¹⁴⁹ 一+ (經作現滅諍品) 夾註【明】。(大正 25, 460d, n.15)

¹⁵⁰ (大智度論釋滅諍亂品第三十一) 十三字 = (大智度第三十一品釋滅諍品) 十二字【宮】， = (釋第卅品) 四字【聖】， = (摩訶般若波羅蜜經滅諍亂品第卅) 十四字【石】，〔大智度論〕 - 【明】。(大正 25, 460d, n.12)

¹⁵¹ 是 = 從【宋】【元】【明】【宮】。(大正 25, 460d, n.16)

¹⁵² 〔人〕 - 【宋】【元】【明】【宮】【聖】。(大正 25, 460d, n.17)

¹⁵³ 界 = 國【石】*。(大正 25, 460d, n.18)

¹⁵⁴ 眼 = 明【石】。(大正 25, 460d, n.19)

¹⁵⁵ (1) 十種成就：菩薩得。(印順法師，《大智度論筆記》〔E010〕p.305)

(2) 《大般若波羅蜜多經》卷 427 〈29 攝受品〉：「速能攝受族姓圓滿、生母圓滿、生身圓滿、眷屬圓滿、相好圓滿、光明圓滿、勝眼圓滿、勝耳圓滿、音聲圓滿、等持圓滿、總持圓滿。」(大正 7, 147b21-24)

¹⁵⁶ 界 = 佛界【宋】【宮】*， = 佛國【元】【明】【石】*。(大正 25, 460d, n.20)

¹⁵⁷ 已 = 以【宋】【元】【明】【宮】。(大正 25, 460d, n.21)

(1) 佛勸諦聽，天主領受

復次，憍尸迦！是般若波羅蜜，受持、親近、讀、誦、為他¹⁵⁸說、正憶念，是善男子、善女人所得今世功德，汝一心諦聽！」

釋提桓因言：「唯！世尊！受教！」

(2) 正明：外道梵志、魔、增上慢人欲壞菩薩般若，終不從願

佛告釋提桓因：「憍尸迦！若有外道諸梵志、若魔、若魔民、若增¹⁵⁹上慢人欲乖¹⁶⁰錯¹⁶¹破壞菩薩般若波羅蜜心，是諸人適生此心，即時滅去，終不從願。¹⁶²

(3) 釋因由：菩薩無量世自行化他故

A、自行六度，亦安立眾生於六度

何以故？憍尸迦！菩薩摩訶薩長夜行檀波羅蜜，行尸羅¹⁶³、羸提¹⁶⁴、毘梨耶¹⁶⁵、禪¹⁶⁶、般若波羅蜜。

以眾生長夜貪諍故，菩薩悉捨內外物¹⁶⁷，安立眾生於檀波羅蜜中；

以眾生長夜破戒故，菩薩悉捨內外法，安立眾生於戒；

以眾生長夜鬪諍故，菩薩悉捨內外法，安立眾生於忍辱；

以眾生長夜懈怠故，菩薩悉捨內（460c）外法，安立眾生於精進；

以眾生長夜亂心故，菩薩悉捨內外法，安立眾生於禪；

以眾生長夜愚癡故，菩薩悉捨內外法，安立眾生於般若波羅蜜。

B、以方便力，安立眾生於諸禪定、三十七道品、三三昧、三乘

以眾生長夜為愛結故流轉生死，是菩薩摩訶薩以方便力故¹⁶⁸，斷眾生愛結，安立¹⁶⁹於四禪、四無量心、四無色定、四念處乃至八聖道分、空無相無作三昧，安立眾生於須陀洹果乃至阿羅漢果、辟支佛道、佛道。

憍尸迦！是為菩薩摩訶薩行般若波羅蜜，得現世功德。

2、明後世功德

後世功德——得阿耨多羅三藐三菩提；菩薩轉法輪，所願滿足，入無餘涅槃。

憍尸迦！是為菩薩摩訶薩後世功德。¹⁷⁰

¹⁵⁸ 他+（人）【石】。（大正 25，460d，n.22）

¹⁵⁹ 增=憎【明】。（大正 25，460d，n.23）

¹⁶⁰ 乖=亦【聖】。（大正 25，460d，n.24）

¹⁶¹ 乖錯：1.謬誤。2.混亂，錯亂。3.違背。（《漢語大詞典》（一），p.663）

¹⁶² 《大般若波羅蜜多經》卷 427〈29 攝受品〉：

佛告憍尸迦：「若有種種外道族類，若諸欲界自在天魔及彼眷屬，若餘暴惡增上慢者，欲於如是諸善男子、善女人等，發起種種不饒益事，欲令遠離、違害、厭背、毀謗般若波羅蜜多，彼適起心速遭殃禍，自當殄滅，不果所願。」（大正 7，147c18-23）

¹⁶³ 羅+（波羅蜜）【石】。（大正 25，460d，n.25）

¹⁶⁴ 提+（波羅蜜）【石】。（大正 25，460d，n.26）

¹⁶⁵ 耶+（波羅蜜）【石】。（大正 25，460d，n.27）

¹⁶⁶ 禪+（波羅蜜）【石】。（大正 25，460d，n.28）

¹⁶⁷ 〔物〕—【石】。（大正 25，460d，n.29）

¹⁶⁸ 〔故〕—【宋】【元】【明】【宮】。（大正 25，460d，n.30）

¹⁶⁹ 立+（眾生）【石】。（大正 25，460d，n.31）

¹⁷⁰ 般若功德：後世功德。（印順法師，《大智度論筆記》〔E010〕p.304）

(二) 重明今世功德**I、魔、外道、增上慢人等不得便****(1) 舉喻明理****A、正說**

復次，憍尸迦！善男子、善女人，是般若波羅蜜，若聞、受持、親近、讀、誦、為他說、正憶念，其所住處，魔、若魔民、若外道梵志、增上慢人欲輕毀、難問、破壞般若波羅蜜，終不能成；其人惡心轉滅、功德轉增，聞是般若波羅蜜故，漸以三乘道，得盡眾苦。

B、舉喻

譬如，憍尸迦！有藥名摩祇，有蛇飢行索食，見虫欲噉¹⁷¹；虫趣藥所，藥氣力故，蛇不能前，即便還去。何以故？是藥力能勝毒故。

C、合法

憍尸迦！摩祇藥有如是力。是¹⁷²善男子、善女人，是般若波羅蜜，若受持、親近、讀、誦、為他¹⁷³說、正憶念；若有種種鬪諍起，欲來破壞者，以般若波羅蜜威力故，隨所起處，即疾¹⁷⁴消滅；其人即生善心，增益功德。

(2) 釋因由：般若能滅諸法諍亂故

何以故？是般若波羅蜜能滅諸法諍亂。何等諸法？所謂——

- (1) 婬、怒、癡；無明乃至大苦聚；
 - (2) 諸蓋、結、使、纏；
 - (3) 我見、人見、眾生見，斷見、常見，垢見、淨見，有見、無見——如是一切諸見；
 - (4) 慳貪、犯戒、瞋恚、懈怠、亂意、無智；
 - (5) 常想、樂想、淨想、我想——如是等 (461a) 愛行。
 - (6) 著色，著受、想、行、識；
 - (7) 著檀波羅蜜、尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜；
 - (8) 著內空、外空、內外空，乃至無法有法空；
 - (9) 著四念處乃至十八不共法；著一切智、一切種智；著涅槃。
- 是一切法諍亂，盡能¹⁷⁵滅，不令增長。

【論】釋曰：

壹、明受持般若得今世及後世功德**(壹) 帝釋稱歎受持般若功德****一、明受持般若得今世功德**

¹⁷¹ 噉 (勿弓、丿)：1.食，吃。(《漢語大詞典》(三)，p.495)

¹⁷² 〔是〕—【聖】。(大正 25，460d，n.32)

¹⁷³ 他+ (人)【元】【明】【石】。(大正 25，460d，n.33)

¹⁷⁴ 疾=自【石】。(大正 25，460d，n.34)

¹⁷⁵ 能+ (消)【宋】【元】【明】【宮】【聖】【石】。(大正 25，461d，n.1)

（一）釋「聞」乃至「正憶念」¹⁷⁶

「聞」者，若從佛、若菩薩、若餘說法人邊聞般若波羅蜜——是十方三世諸佛法寶藏。

聞已，用信力故「受」；念力故「持」。

得氣味故，常來承奉¹⁷⁷、諮受¹⁷⁸故「親近」。

親近已，或看文，或口受，故言「讀」¹⁷⁹；為常¹⁸⁰得不忘故「誦」。

宣傳未¹⁸¹聞，故言「為他說」。

聖人經書，直說難了，故解義；觀諸佛¹⁸²法不可思議，有大悲於眾生故說法；不以邪見戲論求佛法，如佛意旨，不著故，說法亦不著。

除四顛倒等諸邪憶念故，住四念處正憶念中，但為¹⁸³得道故、不為戲論，名為「正憶念」。

正憶念是一切善法之根本，修習行者初入，名為「正憶念」；常行得禪定故，名為「修」。

（二）明今世功德

「今世功德」者，如先說義。¹⁸⁴

今釋提桓因更說¹⁸⁵今世功德，所謂教化眾生乃至令眾生得三乘。

二、受持般若總攝五度乃至一切種智等功德

先說「般若波羅蜜攝三乘」¹⁸⁶，令解其義，是故言：「般若波羅蜜中攝五波羅蜜乃至一切種智。」

（貳）如來述成，更廣說今世及後世功德

一、如來述成

佛可其所說者，欲令人信故。

二、更廣說今世及後世功德

（一）初說二世功德

◎ 明今世功德¹⁸⁷

¹⁷⁶ 十一法行。（印順法師，《大智度論筆記》〔E010〕，p.304）

¹⁷⁷ 承奉：1.承命奉行。（《漢語大詞典》（一），p.772）

¹⁷⁸ 諮受：請教、承受。（《漢語大詞典》（十一），p.350）

¹⁷⁹ 讀＝讚【聖】。（大正 25，461d，n.2）

¹⁸⁰ 為常＝當為【宮】。（大正 25，461d，n.3）

¹⁸¹ 未＝不【聖】。（大正 25，461d，n.4）

¹⁸² 〔佛〕－【石】。（大正 25，461d，n.5）

¹⁸³ 為＝說【宮】。（大正 25，461d，n.6）

¹⁸⁴ 《正觀》（6），p.158：《大智度論》卷 56（大正 25，457c15-460a26）。

¹⁸⁵ 更說＝說更【聖】。（大正 25，461d，n.7）

¹⁸⁶ 參見《大智度論》卷 56〈30 顧視品〉：「是般若波羅蜜中，雖無法可得，而有三乘之教，所謂聲聞、辟支佛、佛乘。」（大正 25，457a14-16）

¹⁸⁷ 案：因經所說之「後世功德」內容簡要，故論無註釋。

1、佛勸諦聽，天主領受

「所得今世功德，汝一心諦聽」者，上略說今世功德，佛今¹⁸⁸欲廣說¹⁸⁹，其事難信¹⁹⁰，故言「一心諦聽」。

復次，因小果大，難信，故言「一心諦聽」。

帝釋雖信受，人不¹⁹¹知，故言：「唯！世尊！」

2、正明：外道梵志、魔、增上慢人欲壞菩薩般若，終不從願

(1) 實相般若不可破，文字般若可破（印順法師，《大智度論筆記》〔E018〕p.316）

是般若波羅蜜，雖不可破壞，而宣示實相語言可破；語言破故，信心未定者亦可破，是故（461b）說：「若外道梵志等來，欲¹⁹²破壞般若波羅蜜。」

(2) 釋欲破壞般若之人**A、外道梵志**

「梵志」者，是一切出家外道，若有承用¹⁹³其¹⁹⁴法者，亦名「梵志」。梵志愛著其法，聞實相空法，不信故，欲破¹⁹⁵壞¹⁹⁶。

B、魔、魔民

「魔、若¹⁹⁷魔民」，如先說。¹⁹⁸

C、增上慢人

「增上慢人」者，是佛弟子，得禪定，未得聖道，自謂已得。是人聞無須陀洹乃至無阿羅漢，無道、無涅槃，便發增上慢，生忿惱¹⁹⁹心，欲破是實相空法。

(3) 顯般若之妙用

是般若波羅蜜神力故，令彼惡心即時滅去，終不成願；如人以手障鋒²⁰⁰，但自傷其手，鋒無所損。

3、釋因由：菩薩無量世自行化他，修集福德力故，欲壞般若者不能得便

何以故？菩薩於內外法不著。眾生從無始世界來，常著內外法故起鬪諍。

菩薩捨內外著處，自安立六波羅蜜；教化眾生，令捨²⁰¹內外鬪法，安立眾生於六波羅蜜。是無量世修集福德力，鬪諍根盡故，雖有鬪亂事來，不能得便。

¹⁸⁸ 今=令【元】【明】。(大正 25, 461d, n.9)

¹⁸⁹ 〔說〕—【聖】。(大正 25, 461d, n.10)

¹⁹⁰ 信+（持）【宋】【元】【明】【宮】【聖】【石】。(大正 25, 461d, n.11)

¹⁹¹ 〔不〕—【聖】。(大正 25, 461d, n.12)

¹⁹² 來欲=欲來【石】。(大正 25, 461d, n.13)

¹⁹³ 承用：因襲，沿用。(《漢語大詞典》(一)，p.771)

¹⁹⁴ 〔其〕—【宋】【宮】。(大正 25, 461d, n.14)

¹⁹⁵ 〔破〕—【宋】【元】【明】【宮】【聖】。(大正 25, 461d, n.15)

¹⁹⁶ 〔壞〕—【石】。(大正 25, 461d, n.16)

¹⁹⁷ 若=共【元】。(大正 25, 461d, n.17)

¹⁹⁸ 《正觀》(6)，p.158：《大智度論》卷 56（大正 25, 458b-c）、卷 5（大正 25, 99b11-14）。

¹⁹⁹ 惱=怒【宋】【元】【明】【宮】。(大正 25, 461d, n.18)

²⁰⁰ 鋒（𠂔又𠂔）：劍鋒。(《漢語大詞典》(十一)，p.1286)

²⁰¹ 〔捨〕—【聖】。(大正 25, 461d, n.19)

（二）重明今世功德

1、魔、外道、增上慢人等不得便

（1）舉喻明理

譬如毒蛇欲食蝦蟇²⁰²，常隨逐之；蝦蟇到摩祇藥所，蛇聞藥氣，毒即消歇。

是壞法惡人，亦復如是，欲壞行般若波羅蜜人，常隨逐之；以般若力勢故，瞋恚、邪見之毒即時消滅。

有降伏得道者，有作弟子者，有復道還去者。²⁰³

（2）釋因由：般若能滅諸法諍亂故

是般若波羅蜜能破無明等諸結使，滅諸斷、常、邪見等，能滅著²⁰⁴五²⁰⁵眾乃至涅槃，何況瞋恚、嫉妬、鬪亂之事而不能滅！²⁰⁶▼

（3）重說三種壞般若者之理由

問曰：先已說魔、若魔民等三種人²⁰⁷欲破壞²⁰⁸般若，今何以故重說？

答曰：佛先說三種人來，求便、恐怖，欲令愁惱。²⁰⁹

中來者²¹⁰，不為惱人，但欲破毀般若波羅蜜；不隨其願，不能得破。

後來三種人²¹¹，雖欲生心破壞，即時滅去。²¹²

【經】

2、諸天及諸佛守護，諸惡滅、眾善增

（1）諸天及諸佛守護

復次，憍尸迦！三千大千世界中，諸四天王天²¹³、諸釋提桓因、諸梵天王乃至阿

²⁰² 蝦蟇：亦作「蛤蟆」，2.青蛙和蟾蜍的統稱。（《漢語大詞典》（八），p.936）

²⁰³ 增上慢人聞般若，不能毀謗，此異法華。亦可同〔降伏得道、作弟子、復道去〕。（印順法師，《大智度論筆記》〔E018〕p.316）

²⁰⁴ 著+（諸）【聖】。（大正 25，461d，n.21）

²⁰⁵ 五=吾【聖】。（大正 25，461d，n.22）

²⁰⁶ 般若：破無明等結使染著。（印順法師，《大智度論筆記》〔E002〕p.288）

²⁰⁷ 三種人：若有外道諸梵志、若魔若魔民、若增上慢人。《大智度論》卷 56（大正 25，460b17-23）。

²⁰⁸ 〔壞〕—【宮】【聖】【石】。（大正 25，463d，n.1）

²⁰⁹ 參見《大智度論》卷 56〈30 顧視品〉：「是般若波羅蜜，若聽、受持、親近、讀、誦、為他說、正憶念，不離薩婆若心，諸天子！是人，魔、若魔天不能得其便。……復次，憍尸迦！是善男子、善女人，若人、非人不能得其便。」（大正 25，457c17-26）

²¹⁰ 參見《大智度論》卷 56〈31 滅諍亂品〉：「若有外道諸梵志，若魔、若魔民，若增上慢人，欲乖錯破壞菩薩般若波羅蜜心；是諸人適生此心，即時滅去，終不從願。」（大正 25，460b20-23）

²¹¹ 參見《大智度論》卷 56〈31 滅諍亂品〉：「復次，憍尸迦！善男子、善女人，是般若波羅蜜，若聞、受持，親近、讀、誦、為他說、正憶念，其所住處，魔、若魔民，若外道梵志，增上慢人，欲輕毀難問，破壞般若波羅蜜，終不能成；其人惡心轉滅，功德轉增。聞是般若波羅蜜故，漸以三乘道，得盡眾苦。……是善男子、善女人，是般若波羅蜜，若受持、親近、讀、誦、為他說、正憶念；若有種種鬪諍起，欲來破壞者，以般若波羅蜜威力故，隨所起處，即疾消滅；其人即生善心，增益功德。」（大正 25，460c12-25）

²¹² 以上八十字原位於《大正藏》25，463a2-7，今依印順法師，《大智度論》（標點本）（六），p.2127 校勘移至此處。

²¹³ 〔天〕—【宋】【元】【明】【宮】【聖】。（大正 25，461d，n.23）

迦尼吒天常守護是善男子、善女人——能受持、供養、讀、誦、為他²¹⁴說、正憶念般若波羅蜜者，十方現在諸佛亦共²¹⁵擁護是善男子、善女人——能聞、受持、供養、讀、誦、為他說、正憶念般若波羅蜜者。

(2) 諸惡滅、眾善增²¹⁶

A、所言人皆信受

是善男子、善女人，(461c) 不善法滅，善法轉增——所謂檀波羅蜜轉增，以無所得故；乃至般若波羅蜜轉增，以無所得故；內空轉增乃至無法有法空轉增，以無所得故；四念處乃至十八不共法轉增，以無所得故；諸三昧門、諸陀羅尼門、一切智、一切種²¹⁷智轉增，以無所得故。

是善男子、善女人所說，人皆信受。

B、親友堅固 (印順法師，《大智度論筆記》〔E010〕p.304)

親友堅固；

C、不說無益語

不說無益之語；

D、不為惑覆 (印順法師，《大智度論筆記》〔E010〕p.304)

不為瞋恚所覆，不為憍慢、慳²¹⁸貪、嫉妬所覆²¹⁹。²²⁰

3、以四種正行(自行、教他、讚歎、隨喜)修一切善法

(1) 十善

是人自不殺生，教人不殺生²²¹，讚不殺生法，亦歡喜讚歎不殺生者；自遠離不與取，亦教人遠離不與取，讚遠離不與取法，亦歡喜讚歎遠離不與取者；自不邪淫，教人不邪淫，讚²²²不邪淫法，亦歡喜讚歎不邪淫者；自不妄語，教人不妄語，讚不妄語法²²³，亦歡喜讚歎不妄語²²⁴者；兩舌、惡口、無利益語亦如是。自不貪，教人不貪，讚不貪法，亦歡喜讚歎不貪者；不瞋惱、不邪見亦如是。²²⁵

²¹⁴ 他+(人)【石】。(大正 25, 461d, n.24)

²¹⁵ 共=發【聖】。(大正 25, 461d, n.25)

²¹⁶ 般若功德：人皆信受，親友堅固，不說綺語，不為惑覆。(印順法師，《大智度論筆記》〔E010〕p.304)

²¹⁷ 〔種〕—【聖】。(大正 25, 461d, n.26)

²¹⁸ 慳=堅【聖】。(大正 25, 461d, n.27)

²¹⁹ 覆=受【聖】。(大正 25, 461d, n.28)

²²⁰ 《大般若波羅蜜多經》卷 427 (29 攝受品)：「憍尸迦！是善男子、善女人等，由此因緣，言詞威肅，聞皆敬受，稱量談說，語無謬亂，善知恩報，堅事善友，不為慳嫉、忿恨、覆惱、諂誑、矯等之所隱蔽。」(大正 7, 148c24-27)

²²¹ 〔生〕—【宋】【元】【明】【宮】【聖】。(大正 25, 461d, n.29)

²²² 讚+(嘆)【石】。(大正 25, 461d, n.30)

²²³ 法=者【宮】。(大正 25, 461d, n.31)

²²⁴ 語=讚【聖】。(大正 25, 461d, n.32)

²²⁵ 《雜阿含經》卷 37 (1059 經)：「有四十法成就，如鐵槍鑽空，身壞命終，上生天上。何等為四十？謂不殺生，教人不殺，口常讚歎不殺功德，見不殺者心隨歡喜；乃至自行正見，教人令行，亦常讚歎正見功德，見人行者心隨歡喜，是名四十法成就，如鐵槍鑽空，身壞命終，上生天上。」(大正 2, 275c8-14)

(2) 六度

自行檀波羅蜜，教人行檀波羅蜜，讚行檀波羅蜜法，亦歡喜讚歎行檀波羅蜜者；自行尸羅波羅蜜，教人行尸羅波羅蜜，讚尸羅波羅蜜，亦歡喜讚歎行尸羅波羅蜜者；自行羼提波羅蜜，教人行羼提波羅蜜，讚²²⁶羼提波羅蜜²²⁷，亦歡喜讚歎行羼提波羅蜜者；自行毘梨耶波羅蜜，教人行毘梨耶波羅蜜，讚毘梨耶波羅蜜，亦歡喜讚歎行毘梨耶波羅蜜者；自行禪波羅蜜，教人行禪波羅蜜，讚禪波羅蜜，亦歡喜讚歎行禪波羅蜜者；自行般若波羅蜜，教人行般若波羅蜜，讚般若波羅蜜，亦歡喜讚歎行般若波羅蜜者。

(3) 十八空

自修內空，教人修內空，讚²²⁸（462a）內空²²⁹，亦歡喜讚歎修內空者；乃至自修無法有法空，教人修無法有法空，讚無法有法空，亦歡喜讚歎修無法有法空者。

(4) 一切三昧、陀羅尼、四禪、四無量心、四無色定

自入一切三昧中，教人入一切三昧中，讚²³⁰一切三昧²³¹，亦歡喜讚歎入²³²一切三昧者。

自得陀羅尼，教人得陀羅尼，讚²³³陀羅尼²³⁴，亦歡喜讚歎得陀羅尼者。

自入初禪，教人入初禪，讚初禪²³⁵，亦歡喜讚歎入初禪者；二禪、三禪、四禪亦如是。

自入慈心中，教人入慈心中²³⁶，讚慈心²³⁷，亦歡喜讚歎入慈心者；悲、喜、捨心亦如是。

自入無邊空處，教人入無邊空處，讚²³⁸無邊空處²³⁹，亦歡喜讚歎入無邊空處者；無邊識處、無所有處、非有想非無想處亦如是。

(5) 三十七菩提分

自修四念處，教人修四念處，讚四念處²⁴⁰，亦歡喜讚歎修四念處者；四正勤、四如意足、五根、五力、七覺²⁴¹分、八聖道分亦如是。

²²⁶ 讚+（行）【石】。（大正 25，461d，n.33）

²²⁷ 蜜+（法）【石】。（大正 25，461d，n.34）

²²⁸ 讚+（修）【石】。（大正 25，461d，n.35）

²²⁹ 空+（法）【石】。（大正 25，462d，n.1）

²³⁰ 讚+（入）【石】。（大正 25，462d，n.2）

²³¹ 昧+（法）【石】。（大正 25，462d，n.3）

²³² 入=行【宋】【元】【明】【宮】【聖】【石】。（大正 25，462d，n.4）

²³³ 讚+（得）【石】。（大正 25，462d，n.5）

²³⁴ 尼+（法）【石】。（大正 25，462d，n.6）

²³⁵ 禪+（法）【石】。（大正 25，462d，n.7）

²³⁶ 〔中〕—【宋】【宮】【聖】。（大正 25，462d，n.8）

²³⁷ 慈心=入慈心法【元】【明】【石】。（大正 25，462d，n.9）

²³⁸ 讚+（入）【石】。（大正 25，462d，n.10）

²³⁹ 處+（法）【石】。（大正 25，462d，n.11）

²⁴⁰ 四念處=修四念處法【元】【明】【石】。（大正 25，462d，n.12）

²⁴¹ 覺=學【聖】。（大正 25，462d，n.13）

(6) 三三昧、八解脫、九次第定

自修空、無相、無作三昧，教人修空、無相²⁴²、無作²⁴³三昧，讚²⁴⁴空、無相、無作三昧²⁴⁵，亦歡喜讚歎修空、無相、無作三昧者；

自入八解脫²⁴⁶中，教人入八解脫，讚八解脫，亦²⁴⁷歡喜讚歎入八解脫者；

自入九次第定中，教人入九次第定，讚九次第定，亦²⁴⁸歡喜讚歎入九次第定者。

(7) 佛果德

自修佛十力、四無所畏、四無礙智、大慈大悲、十八不共法亦如是；

自行不謬錯法、自行²⁴⁹常捨法，教人行不謬錯法、常捨法，讚²⁵⁰不謬錯法、常捨法，亦歡喜讚歎行不謬錯法、常捨法者。²⁵¹

自得一切種智，教人得一切種智，讚²⁵²一切種智，亦歡喜讚歎得一切種智者。

4、攝一切善法入六度中，所得果報與眾生共，並迴向無上菩提**(1) 以無所得行六度，所得果報與眾生共，迴向無上菩提**

是菩薩摩訶薩行六波羅蜜時，所有布施與眾生共已，迴向阿耨多羅三藐三菩提(462b) 提，以無所得故；所有持戒、忍辱、精進、禪定、智慧，與眾生共已，迴向阿耨多羅三藐三菩提，是亦²⁵³無所得故。²⁵⁴

(2) 思惟不行六度之過患**A、不行六度則不能成就眾生、淨佛世界，亦不能得一切種智**

是善男子、善女人如是行六波羅蜜時，作是念：

『我若不布施，當生貧窮家，不能成就眾生、淨佛世界，亦不能得一切種智。

我若不持戒，當生三惡道中，尚不得人身，何況能成就眾生、淨佛世界、得一切種智！

²⁴² 相=想【聖】。(大正 25, 462d, n.14)

²⁴³ 作=住【聖】。(大正 25, 462d, n.15)

²⁴⁴ 讚+ (修)【石】。(大正 25, 462d, n.16)

²⁴⁵ 昧+ (法)【元】【明】【石】。(大正 25, 462d, n.17)

²⁴⁶ (1) 解脫=背捨【聖】【石】。(大正 25, 462d, n.18)

(2) 八解脫，參見《大智度論》卷 21〈1 序品〉(大正 25, 215a7-217a4)。

²⁴⁷ 讚+ (入)【元】【明】【石】。(大正 25, 462d, n.20)

²⁴⁸ (法)+亦【元】【明】【石】。(大正 25, 462d, n.21)

²⁴⁹ [自行]-【聖】。(大正 25, 462d, n.22)

²⁵⁰ 讚+ (行)【元】【明】，(嘆行)【石】。(大正 25, 462d, n.23)

²⁵¹ 《大般若波羅蜜多經》卷 427〈29 攝受品〉：「自能修無忘失法、恒住捨性，亦勸他修無忘失法、恒住捨性，無倒稱揚修無忘失法、恒住捨性法，歡喜讚歎修無忘失法、恒住捨性者。」(大正 7, 149b8-11)

²⁵² 讚+ (得)【石】。(大正 25, 462d, n.24)

²⁵³ 是亦=亦以【宋】【元】【明】【宮】，=是以【聖】。(大正 25, 462d, n.25)

²⁵⁴ 《大般若波羅蜜多經》卷 427〈29 攝受品〉：「憍尸迦！是善男子、善女人等，修行布施乃至般若波羅蜜多，以無所得而為方便，與諸有情平等共有迴向無上正等菩提。」(大正 7, 149b15-18)

我若不修忍辱，則當諸根毀壞，色不具足，不能得菩薩具足色身——眾生見者必至阿耨多羅三藐三菩提，亦不能得以具足色身成就眾生、淨佛世界、得一切種智。我若懈怠，不能得菩薩道，亦不能得成就眾生、淨佛世界、得一切種智。我若亂心，不能得生諸禪定，不能以此禪定成就眾生、淨佛世界、得一切種智。我若無智，不能得方便智²⁵⁵、以方便智過聲聞辟支佛地、成就眾生、淨佛²⁵⁶世界、得一切種智。』

B、若隨六蔽則不能具足六度，終不得成佛道

是菩薩復作是思惟：『我不應隨慳貪故不具足檀波羅蜜，不應隨犯戒故不具足尸羅波羅蜜，不應隨瞋恚故不具足羼提波羅蜜，不²⁵⁷應隨懈²⁵⁸怠故不具足毘梨耶波羅蜜，不應隨²⁵⁹亂意故不具足禪波羅蜜，不應隨癡心故不具足般若波羅蜜。若不具足檀波羅蜜、尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜，我終不能出到一切種智。』

(三) 結：得今世、後世功德

如是善男子、善女人，是般若波羅蜜受持、親近、讀、誦、為他說、正憶念，亦不離薩婆若心，得是今世、後世功德。」

貳、明無方便行及有方便行

(壹) 略說

釋提桓因白佛言：「世尊！希有！是菩薩摩訶薩般若波羅蜜，為迴向薩²⁶⁰婆²⁶¹若心²⁶²故，亦為不高心故。」

(貳) 詳辨

一、佛問

佛告釋提桓因：「憍尸（462c）迦！云何『菩²⁶³薩摩訶薩般若波羅蜜，為迴向薩婆若心故，亦為不高心故』？」

二、天主答

(一) 明無方便行

釋提桓因白佛言：「世尊！菩薩摩訶薩若行世間檀波羅蜜，布施諸佛²⁶⁴、辟支佛、聲聞及諸貧窮²⁶⁵、乞匄²⁶⁶、行路人，是菩薩無方便故生高心；若行世間尸羅波羅蜜，

²⁵⁵ 方便智（般若）。（印順法師，《大智度論筆記》〔E018〕p.316）

²⁵⁶ （便）+佛【聖】。（大正 25，462d，n.26）

²⁵⁷ （我）+不【聖】。（大正 25，462d，n.27）

²⁵⁸ 隨懈=墮解【聖】。（大正 25，462d，n.28）

²⁵⁹ 隨=墮【聖】。（大正 25，462d，n.29）

²⁶⁰ 〔薩〕-【聖】。（大正 25，462d，n.30）

²⁶¹ 婆=波【聖】。（大正 25，462d，n.31）

²⁶² 〔心〕-【宋】【元】【明】【宮】【聖】。（大正 25，462d，n.32）

²⁶³ 菩=善【聖】。（大正 25，462d，n.33）

²⁶⁴ 〔佛〕-【聖】。（大正 25，462d，n.34）

²⁶⁵ 貧窮=窮貧【聖】。（大正 25，462d，n.35）

言²⁶⁷：『我行尸羅波羅蜜，我能具足尸羅波羅蜜。』無方便故生高心；言：『我行羸提波羅蜜、毘梨耶波羅蜜、禪波羅蜜；我行般若波羅蜜，我修般若波羅蜜。』以是世間般若波羅蜜，無方便故生高心。

世尊！菩薩修世間四念處時，自念言：『我修四念處，我具足四念處。』無方便力故生高心。

『我修四正勤、四如意足、五根、五力、七覺分、八聖道分。』自念言：『我修空、無相、無作三昧；我修一切三昧門，當得一切陀羅尼門。』

『我修佛十力、四無所畏、十八不共法；我當成就眾²⁶⁸生，我當淨佛世界，我當得一切種智。』著吾我無方便力故生高心。

世尊！如是菩薩摩訶薩行世間善法²⁶⁹，著吾我故生高心。

（二）明有方便行

世尊！若菩薩摩訶薩行出世間檀波羅蜜，不得施者，不得受者，不得施物，如是菩薩摩訶薩行出世間檀波羅蜜，為迴向薩婆若故，亦不生高心；行尸羅波羅蜜，尸羅不可得；行羸提波羅蜜，羸提不可得；行毘梨耶波羅蜜，毘梨耶不可得；行禪波羅蜜，禪不可得；行般若波羅蜜，般若不可得；修四念處，四念處不可得；乃至修十八不共法，十八不共法不可得；修大慈大悲，大慈大悲不可得；乃至修一切種智，一切種智不可得。

世尊！如是菩薩摩訶薩般若波羅蜜，為迴向薩婆若故，(463a) 亦為不生高心故。」

【論】

2、諸天及諸佛守護，諸惡滅、眾善增

（1）所言人皆信受

▲²⁷⁰「所語²⁷¹人皆信受」者，是菩薩常令不善法斷滅、善法轉增，所謂檀波羅蜜乃至一切種智。是人修集福德、智慧故，成大威德；設使妄語，人皆信受，何況實語！

（2）親友堅固

「親友堅固」者，是人於一切眾生中，深有慈悲心，何況親友於我有²⁷²益！

²⁶⁶ (1) 句=自【聖】。(大正 25, 462d, n.36)

(2)「句」同「丐」。(《漢語大字典》(一), p.257)

²⁶⁷ (自念)+言【石】。(大正 25, 462d, n.37)

²⁶⁸ (一切)+眾【石】。(大正 25, 462d, n.38)

²⁶⁹ 法+(者)【石】。(大正 25, 462d, n.39)

²⁷⁰ 此處原有：「問曰：先已說魔若魔民等三種人欲破壞般若，今何以故重說？答曰：佛先說三種人來求便、恐怖，欲令愁惱。中來者，不為惱人，但欲破毀般若波羅蜜；不隨其願，不能得破。後來三種人，雖欲生心破壞，即時滅去。」(大正 25, 463a2-7) 等八十字，今依印順法師，《大智度論》(標點本)(六)，p.2127 校勘，移至上段論文最後。

²⁷¹ 語=謂【聖】。(大正 25, 463d, n.3)

²⁷² [有]-【宮】。(大正 25, 463d, n.4)

(3) 不說無益語

是菩薩愛敬佛道，知身口無常故，不說無益之言。

(4) 不為惑覆

以善法增長故，瞋恚等煩惱不能覆心。行者作是念：結使雖起，智慧思惟，不令覆心；結使若起，今世不善，後世不善，妨於佛道！設使心起結使，不起口業；設口業起，不成身業；設身業起，不至²⁷³大惡如凡夫人也²⁷⁴。

是菩薩雖卑²⁷⁵陋鄙賤，以行勝法故，得²⁷⁶在勝人數中。

※ 結

是今世功德。

3、以四種正行（自行、教他、讚歎、隨喜）修一切善法

是人深樂善法故，能於善法四種正行求；二乘人不能具足四行，以不深樂善法故。所謂⁽¹⁾自不殺生，慈悲一切；⁽²⁾深自利故，亦²⁷⁷教他；⁽³⁾慈是一切賢聖法故，常讚歎；⁽⁴⁾是菩薩常欲令人得樂故，見有不殺者，歡喜愛樂。乃至一切種智亦如是。

4、攝一切善法入六度中，所得果報與眾生共，並迴向無上菩提

(1) 以無所得行六度，所得果報與眾生共，迴向無上菩提

上四種行廣說；今略說一切²⁷⁸功德總攝入六波羅蜜中，所得果報與眾生共之。

(2) 思惟不行六度之過患

是菩薩未入正位，諸煩惱未盡故，或²⁷⁹時起慳等諸煩惱，²⁸⁰爾時應作是思惟，諫諭²⁸¹其心：

「若不布施，我自²⁸²失（463b）四事功德，所謂——

⁽¹⁾後身生²⁸³貧窮，貧窮故，自不能利益，何能利他！

⁽²⁾若不利他，則不能成就眾生；

⁽³⁾若²⁸⁴不能成就眾生，亦不能淨佛世界。何以故？以眾生淨故，世界清淨。

⁽⁴⁾若不具足是等眾事，云何當得一切種智？

²⁷³ 至=生【聖】。(大正 25, 463d, n.5)

²⁷⁴ 〔也〕—【宮】【聖】。(大正 25, 463d, n.6)

²⁷⁵ 雖卑=離復賊【聖】，雖+（復）【宋】【元】【明】【宮】【石】。(大正 25, 463d, n.7)

²⁷⁶ （故）+得【石】。(大正 25, 463d, n.8)

²⁷⁷ 亦+（不）【宋】【元】【明】【宮】【聖】。(大正 25, 463d, n.9)

²⁷⁸ 〔一切〕—【宋】【元】【明】【宮】【聖】。(大正 25, 463d, n.10)

²⁷⁹ 或=成【聖】。(大正 25, 463d, n.11)

²⁸⁰ 未入正位，煩惱未盡，時或起。(印順法師，《大智度論筆記》〔E018〕p.316)

²⁸¹ 諫諭：亦作“諫諭”。勸諫曉諭。(《漢語大詞典》(十一)，p.335)

²⁸² 自=身【聖】，〔自〕—【石】。(大正 25, 463d, n.12)

²⁸³ 〔生〕—【石】。(大正 25, 463d, n.13)

²⁸⁴ 〔若〕—【宋】【元】【明】【宮】【聖】【石】。(大正 25, 463d, n.14)

貳、明無方便行及有方便行

(壹) 述要

一、明無方便行

以要²⁸⁵言之，無方便者雖行六波羅蜜，內不能離我心，外取諸法相²⁸⁶——所謂我是施者，彼是受者，是布施物；是因緣故，不能到佛道！

二、明有方便行

與此相違，是有方便。

(貳) 釋疑：世間波羅蜜等非正道，佛何以於般若中說之

問曰：若²⁸⁷世間波羅蜜等非是正道，是般若波羅蜜中，佛何以說？

答曰：此是行者初門，與正道相似故；先行相²⁸⁸似法，後得²⁸⁹真道。²⁹⁰

²⁸⁵ 要=惡【石】。(大正 25, 463d, n.15)

²⁸⁶ 內不離我心

無方便—外取諸法相 (印順法師,《大智度論筆記》[B019] p.146)

²⁸⁷ [若]—【聖】。(大正 25, 463d, n.17)

²⁸⁸ [相]—【宮】。(大正 25, 463d, n.18)

²⁸⁹ 後得=得後【宋】。(大正 25, 463d, n.19)

²⁹⁰ 先行世間六度為初門[似], 引出世六度[真]。(印順法師,《大智度論筆記》[E018] p.316)